

嘉靖惠州府志

惠州府志卷之十三

人物傳

君子考德論世則鄉評焉重矣夫士秉道脩行非以徯名當時流光後世也然而鄉之人咸宗之其滅度破義寡廉鮮耻然善舞智飾聲以爲穢跡可蓋也而鄉之人咸訾之何者邦國之論易淆而閭井之譽難徵也故匹夫布衣之徒蒙褒錄身後而不以爲幸貴極日月之際丘金陵栗權行州郡而不得齒姓名于五尺之童不敢以爲憾蓋觀聞既近本末可尋雖有愛憎莫能損益矣

余傳惠人物而益信夫鄉評之重也有一善焉惟恐余弗書有一弗善焉惟恐余書之蓋士大夫之論其公如此孔子曰誰毀誰譽直道而行其是之謂矣爰本前志采群言稍爲增損得可傳者七十三人盛矣其舊已傳而不能詳其行事及以一節書而他行未著者爲附傳嗚呼齊景千駟夷齊首陽百世之下孰爲短長哉君子之立身可以慎操術矣作人物傳

唐韋惠明龍川人舉進士歷顯官名著朝野酷好李涉詩

志

宋古成之字亞奭河源人也五季末避地增城嘗結廬羅浮
山力學不怠淹貫群籍文譽殷殷動人宋初嶺嶠文風未
振合路以一人薦衆推成之雍熙初克賦督府勸駕詩曰
寰中有道逢千載嶺外觀光祗一人明年上春官有司奏
以梁顥第一成之第二預傳聞焉有張賀劉師道者嫉廣
南人居其上乃夜召成之飲真暗藥食中比黎明臚唱成
之不能應上怒其不恭命扶出之或勸訟以自明成之殊
不色憾聞者服其量端拱初再舉登第時以貢舉權歸春
官不復臨軒分甲于是取程宿等二十八人而成之名在

十九都下競傳質師道事上聞欲置干法成之申救謝無有召見太宗嗟賞之宋興廣南舉進士自成之始初調真定府元氏尉以能著改知青州益都縣爲政以惠愛爲本淳化三年召試館職除秘書省校書郎張詠與語深器之李順之亂蜀也詠知益州辟成之以知綿州魏城縣運米以賑饑發藥以療疫立鄉校課農桑逆亂之俗一變咸平五年蜀又警復以詠知益州再辟成之以校書郎令綿竹其政如魏城時初成之赴南省道由潭州遇異人韓沭以仙術邀之答曰家貧親老期得祿養長生非所願也及登第

沫復邀以詩成之不爲動至是嘆曰吾竊祿欲以榮親今親已沒吾何以仕爲哉慨然賦思羅浮詩未幾卒于官成之以文章爲南粵首倡然雅意林壑其詩有鳳騫霞舉脫畧塵土之態又官于蜀未嘗携妻子不知者誣以爲仙所著有刪易注疏

一統志廣州志壬寅志

羅孟郊其先南昌人五代間有官興寧者因家焉至宋景德中孟郊生生而穎異早喪父事母孝兒時牧牛長陂莊坐讀書有山人過奇之與語孟郊告以父喪貧未葬山人指示地遂從塋焉弱冠結廬羅嶺以學鄉子弟從之孟郊指授篤

至邑始歿學者善書札洗硯池水盡黑人稱曰墨池天聖
八年舉進士第三人累官諫議大夫翰林學士乞歸養母
茹菹蕭然母冬月思鱠孟郊鮮衣入池取魚供母鄉人目
其池爲曾子湖卒衆立祠祀之

一統志
惠大記

李思純歸善人皇祐五年以三禮出身歷官朝奉郎知封州
瓊州安撫使其弟思義相繼守封皆有遺愛於民

惠大
記

盧邵義博羅人結廬大屏山下讀書其中躬耕以養母鄉人

稱其孝皇祐中以特科授都官員外郎終朝奉大夫

惠大
記

梅蟠歸善人元豐中舉進士歿才博學鄉人稱曰梅夫子凡

惠之江山效所留題詩蓋千篇

惠陽志

翟逢亨歸善人事母孝學問博洽邠人呼爲翟夫子居白鶴

峯東讀書嘉祐寺蘇軾謫惠時與往還焉

惠大記

鄔大昕字東啓河源人也政和二年進士食判廣州廣之東

道濱海舟楫往來恒患飄溺大昕因規度鹿步磨鑿之東

起東洲西接黃木灣延袤十餘里人便之迄于今

惠大記

梁昭德歸善人政和中以三禮出身授循州食判有治狀與

邑人陳伯脩李文輔爲友鄉黨咸重之號曰三善士唐庚

謫惠交游甚密復官北歸爲賦別三子詩

附歸心如躍馬奮迅不可駐別

情如放猿已去猶反顧三年孺子杜數借柱史書好在五
噫殮善保千金軀舊來談天口老去盡地力萬里不相忘

寄聲問眠

食惠大記

陳仲輔歸善人博學善屬文工於隸篆爲世所重嘗作枕屏

篆五箴文遺侍講陳鵬飛鵬飛以詩答之極其獎賞脫以

特科授邕管察推鵬飛復贈以詩

附鵬飛詩闌千一幅鵝

古字今文認未了火劑針鋸俱瞋眩平生卷軸有膏盲首
尾年來逾錯亂刺諸藥物走醫門掉頭嘔令不下咽一落
泥頭千丈強謝君欲拯非手援銀鈎小變科斗文挂我牀
頭星斗爛退之處土陽冰手驅逐習氣車輪轉光芒照耀
肝膽醒兩眼頻看淚如霰門前惡草鋤又生我病七年行
復玩會湏着意課兒童日日牀頭誦千遍又幕下誰人識
杲之微聞贊畫向蓮池登樓不恨鄉關遠柱笏只言山色
奇直道自能消鬼魅高人何處不軒羲它年坐上話銅狄

可是蓬萊清
淺時惠大記

陳煥字少微博羅人也安貧守道敝衣蔬食處之晏如也接
物甚謹雖遇童稚無異成人以禮遜化閭里之橫逆者鄉
人稱之曰陳先生祭酒芮燁嘗屏道從造其廬見四壁蕭
然贈以詩云原思非病貧何患回也雖貧樂有加歲晚與
誰同此味梅花深處是君家煥詩清勁傳於世者幾百篇
其咏梅花云雪裡溪橋獨樹春客來驚起曉粧勻試從意
外省風味方信晉侯似婦人時爭傳誦以特科調高要縣
簿秩滿不仕

惠大記
壬寅志

張宋卿字恭父博羅人也性警敏強記嘗借書於人一閱而還之輒成誦不忘紹興丁丑以春秋魁南省擢進士第除秘書省正字遷校書郎正色立朝權貴欲內交者謝絕之由是名重縉紳胡銓張浚力薦之謂才堪大用終肇慶守

一統志

惠大記

易青歸善人爲都督行府摧鋒軍効用初廣賊曾來受招復叛紹興六年十月經畧使連南夫與統制韓京會惠州督兵討之京募敢死士夜劫衆營青爲賊所執驅至後軍趙續砦賊佯謂續曰汝大軍爲我擒者甚衆青大呼曰

勿聽所執者我耳賊又言吾不汝殺第令經累持黃榜來
招安青又呼曰勿聽任賊殺我我惟以一死報國賊怒焚
之青死罵不絕口事聞贈保義郎閣門祗候官爲薦祭一統

志惠
大記

潘預字晉卿博羅人也篤學該洽以古文爲鄉黨推重而尤
邃於易三山林東負時名少許可及抵羅浮見預論易遂
爲之屈乾道中以特科授宜州司法叅軍時龔茂良帥廣
聘至番禺訓迪諸生南州經學自是日盛一統志
惠大記

郭安仁海豐人少遊邑校能自檢飭博士黃以寧稱之曰安

仁好脩之士也登慶元二年進士第授宣教郎知循之龍川縣行廉政平循人愛之

陳南一興寧人少力學家城中因築舍業莊藏脩其間嘉定

中第進士官翰林宣教

惠陽志
惠大記

朱誥字少揚歸善人也少警悟七歲受論孟再讀輒成誦敏於占對鄉先生陳少微異之謂其父懷曰是子將立身揚名因命以字長嗜學寒暑弗輟遂通六經百家言文尚古體不追時好李泳莊夏先後分教咸表置郡庠爲諸生長誥溫恭愷悌樂道人之善務掩其過士效趨之有同舍高

年當遷誥以義遜郡守韓祐卿聞之喜曰朱生庶靜有識者也漕臺慕其賢辟攝新興僉幕檄至而誥卒矣子篆登寶慶二年進士授從事郎梅州司法叅軍

惠大記

梁應龍博羅人貧而好學嘗欲市書而困於錢輒惋惜其母怪而訊焉告以故母因解所服簪珥與之登嘉熙二年進士第時榜下有落第者皆哭應龍亦哭或問之答曰本欲苟祿養親今僥倖一第而親已沒是以痛耳性不嗜進取歷仕廣西二十年始改常德僉判以歸惠倅單崔明者嘗學於應龍至是盛飾車騎往拜之應龍不懌自是崔明造

其廬必屏道從其嚴毅如此

惠大記

陳大綱龍川人嘉熙間舉賢良明經賜對稱旨授縣令有治

狀鄉人榮之名其鄉曰進賢

惠大記

國朝范伯可海豐人洪武初舉明經授本縣儒學訓導勤於講授閒居衣冠危坐終日無惰容雖祁寒暑雨手不釋卷

人服其勤謹清脩云

惠大記通志

關可成歸善人洪武二十二年以監察御史言事調知寧德

縣愛民禮士守已奉公脩建廟學勸獎生徒擢湖廣僉事

今祀于寧德名宦祠

士寅志

陳灝歸善人洪武二十三年舉人本名魯生嘗因奏對

高廟奇之賜今名授工科給事中遷兵科都給事中歷官福建按察僉事坐累謫戍興州永樂初以赦復官用廷臣薦召爲浙江道監察御史謫鳳翔尉洪熙初復召爲左春坊中允一年乞致仕卒于家灝樸茂醇繁夷險不二其行鄉

邦賢之

惠大記

古彥輝長樂人洪武中歲貢授福建德化主簿性敏果習吏事識大體不尚苛察勸課農桑民服其令會溪流暴漲民苦蕩析無寧居彥輝撫之邑中忘其災擢監察御史風裁

焯著按江西聞其第至即命州縣驅之出境時

高皇帝英明彥輝居職敢諫不避權貴人咸難之卒于官囊

橐蕭然惟諫草盈篋而已今祀德化名宦祠

壬寅志按縣志彥輝自縣

丞遷知縣乃擢御史今止云任主簿豈以德化志考定如此姑附識之

王度字子中歸善人也少肆力經書稽理脩辭爲人所師部使者以明經儒士薦起家拜山東道監察御史繩糾務持大體疏十餘上多見用會

高皇帝棄群臣諸藩不靖兵部齊泰等會議兵事度與僉謀歲庚辰監會試時大將軍曹國公李景隆北向敗績退保